



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De sacerdote de Poiloge, cui sancta Maria appare[n]s timores tonitruorum
temperauit, cap. 30.

urn:nbn:de:hbz:466:1-13177

potuit. Tunc primùm intelligēs, tale miraculum Dei genitricis meritis circa se gestū, seruo rursum obdormiente, leniter surrexit, & vincula adhuc seruans in uno pede, per linteamen per fenestram se dimisit & fugit. Quod dum seruus comperisset, clamore fugam eius prodidit, sed manus humana capere non potuit, quod virtus diuina protexit. Multi eum tubis & canibus insecuri sunt, & cùm sàpius in proximo sub fruteris latitaret, inuenire eum non potuerunt. Qui ad nos veniens, eosdem circulos pro gratiarum actione super altare beatæ Mariæ virginis obtulit, & qualiter eius meritis liberatus sit, nobis per ordinem recitauit. Aëta sunt hęc anno gratiæ M. CC. XIX. APOLLONIVS: Quia eosdem circulos vidi, amplius eidem credam miraculo. CÆSARIVS: De hoc etiam quod timores pellit nomen Mariæ, rem, quam nuper audiui, tibi referam.

CAPVT XXX.

IN* Peloge villa diœcesis Treuerensis sacerdos *Mariæ* quidam paræciam regit, vir secundum suam pos- *nomen* sibilitatem multæ hospitatis, atque laudandæ ca- *timores* stitatis, adhuc enim corpore virgo est. Die quadam *pillit.* quendam ex Conuersis nostris hospitio recipiens, ait * *alias* ad illum: Ordinem vestrū plurimum diligo, quia mul- *Poilche.* tum boni mihi contigit per eum, Antiphonam illam gloriosam, scilicet, Salve regina misericordiæ, ab illo habeo, & quid mihi propter illam contigerit, ad ædificationem vobis enarrabo. Ad omnes horas meas illam dicere consueui: cùm autem die quadam campū breuem trāsirem quandam visitare inclusam, iuxta eccliam solitariam habitantem, orta sunt tonitrua tā valida, ut ictus ictui succedens, vires ambulandi mihi adimeret: veniens tandem cum multo labore ad eccliam ipsam, intraui, & coram altari me prosternēs, pro ipsa tempestate Dominam nostram interpellauī: & ecce, martrona virginei vultus magnique decoris de altari ad me veniens, cùm admirarer, quānam esset, illa prior me allocuta est, dicens: Quia Antiphonam, Salve regina misericordiæ, libenter ac frequenter de-

D d

cap.

cantas, nunquam tonitrua neque fulmina, quorum timore saepius affligeris, te laudent, sicque ad altare. diens, in oculis meis disparuit; & statim intellexi, quia ipsa esset clemens illa, pia, ac dulcis virgo Maria. Ab illa hora, usque hodie, a timore praedicto tempestatum, quo nimis afficiebar, meritis beatæ virginis liberatus sum. APOLLONIUS. Quantum ex hac visione colligo, videtur quod in sequentiis, cantilenis, & hymnis, aliquæ cantibus, in eius honore dictatis, plurimum deletetur. CAESAR. Hoc certum est, si tamen humilitet ac deuotè eis laudetur.

CAPVT XXXI.

Tempore quodam, sicut ex relatione religiosorum didici, cum conuentus sanctimonialium in Sconauia, sequentiam, Ave præclara maris stella, in luce gentium Maria, in quadam solenitate sanctæ Deigintricis decantaret deuotissimè; venerabilis virgo Elizabeth, tunc ibidem magistra, mentis excessum passa, ad illum versiculum: Audi nos, nam te filius nihil negans honorat: Vedit Dominam nostram flexis genibus pro eodem conuentu preces fundentem. Ab illa autem die usque hodie, ex institutione iam dictæ Elizabeth, idem conuentus ad eundem versiculum, cum sequentia decantatur, veniam petere consuevit.

CAPVT XXXII.

Apropter monasterium sancti Chrysanthi scholasticus quidam fuit, nomine Daniël, pueros illic instituens: huic consuetudo fuit, diebus singulis eiusdem ecclesiæ cryptam intrare, & coram altari flexis genibus praedictam sequentiam in honore Dei genitricis Mariæ decantare. Hoc cum per aliquod tempus astatasset, & ad illum versiculum: Ora virgo nos illo pane cœli dignos effici, semper surgendo veniam peteret; die quadam beata virgo super altare stans illi apparuit, & panem parvulum niue candidiorum manu tenens, ut os aperiret præcepit, quem cum ori eius immisisset, tantæ ex eo sensit dulcedinem, ut omne mel & fauum supereret. Iuuenem hunc dominus Daniël Abbas Sconauia bene nouit, qui mihi ipsam visionem reci-